

Sampela lain bilong giamanim ol wokman bilong PALM skim

Sampela wokman bilong Pacific Australia Labour Mobility (PALM) i wok long kisim bikpela dinau bikos ol i givim infomesen bilong ol yet na bilong benk akaun bilong ol long ol sampela lain, na nau ol i ken stilim ol moni.

Ol samting yu mas was long ol

- **Taim sampela man i visitim yu:** sampela man i nok nok long dua bilong yu na tok olsem ol i ken helpim yu long kisim ol moni o ol loan moni - winim \$5,000.
- **Infomesen bilong yu yet o bilong benk login:** ol i askim yu long givim infomesen bilong yu yet olsem ol pepa bilong stori long yu (identiti dokiumen), o internet benking login bilong yu.
- **Komisen peimen:** Dispela kain man i laik kisim sampela moni bilong yu na tok olsem em bai yusim dispela moni long wokim investmen na bai yu ken kisim moa moni.
- **Promotim ol loan moni long ol narapela man:** sampela taim, dispela kain man bai askim yu long helpim ol long promotim wok bilong givim ol moni long ol narapela man long komiuniti bilong yu.

Ol samting yu mas save long ol

Sapos sampela man i kam long haus bilong yu na nau yu tingting planti long seifti bilong yu, plis ringim **000** o go long polis stesen long hap bilong yu.

- **No ken givim infomesen bilong yu:**
 - no ken tru long givim benk akaun login o ol paswed bilong yu long ol narapela man
 - no ken tru long givim identiti dokiumen bilong yu yet long ol man yu no save long ol.
- **Ripotim:** kontektim benk yu save yusim sapos yu lukim sampela samting i rong long benk akaun bilong yu o sapos giaman lain i kisim moni o infomesen bilong yu.
- **Noken nok nok:** prinin long pepa em i tok 'do not knock', em minim olsem noken nok nok, na putim long dua bilong yu.

Sapotim na daunim hevi

Sapos yu givim pinis infomesen bilong yu yet o infomesen bilong benk akaun bilong yu, kirap hariap long mekim samting:

- **Kontektim benk yu save yusim:** sapos yu givim pinis infomesen bilong benk akaun bilong yu o paswed bilong yu long narapela man, kontektim benk hariap. Askim ol long stopim akaun bilong yu taim sampela lain i laik kisim moni.
- **Protektim identiti bilong yu:** Sapos yu givim pinis infomesen bilong yu yet, yu ken kontektim IDCARE long kisim helpim. IDCARE i ken helpim yu long daunim hevi bilong wok giaman na protektim yu long taim bihain. Yu ken kontektim IDCARE long (1800 595 160).
- **Wok kaunseling long ol moni:** Sapos yu gat hevi long ol samting bilong moni na nidim helpim long stretim dispela hevi, kontektim National Debt Helpline long (1800 007 007) long kisim fri sapot bilong kaunsela i save gut long ol samting bilong moni.

- **Sapotim yu namel long bikpela hevi:** Sapos dispela hevi bilong moni i laik daunim yu tru na yu laik toktok wantaim narapela man o meri long hau yu pilim, plis kontektim:
 - Lifeline - ringim (131 114), yu ken ring long 24 aua long de, 7-pela de long wik o yu ken toktok wantaim narapela man o meri long onlain-sapot long (<https://www.lifeline.org.au/>).
 - Beyond Blue - yu ken toktok wantaim kaunsela long onlain long (<https://www.beyondblue.org.au/support-service/chat>).